

حقوقی بیکسیر مجموعه سی

هر آي صوکنده نشر اولنور

مفوق اداره:

قضای اداره کیمه عاند اولمالیدر

V

شورای دولتك وظائف اصلیه عردی

اداری اختلافلك محاكم عدلیه تودیع واعاده سی مسئله سی شورای دولتك رولنی تربیده مدار اولاجق بیوك بر صلاحك وجوده كلفی تأمین ایدمیلان وسائطایله صیقی برصورتده مربوطدر . فی الحقیقه بوصورتله آنحق شورای دولت وظائف اصلیه سنك ایفاسنه ارجاع ایدلش بولنه جقدر [۱].

شورای دولتك قضائی رولتك، اداره ایدیلنار حقنده دهاسرست ومساعد برشكده تبارز ایدن تمایلی نه قدر قوتلی اولورسه اولسون وبلكده بو قوتدن طولانی بورول شورای دولتی فوق العاده اشغال ایتمش ووظائف اصلیه سی اونوتدیره جق برحاله وضع ایتمشدر. شورای دولت، نامه لایق اولایلمسی ایچون هرشیدن اول اداره نك وحكومتك مجلسی اولمالیدر .

اداری بر مجلس اولق اعتباریله شورای دولت شمدی اولدینی کبی یالکز قانونك امر ایتدیکی احوالده نظامنامه وتعلیماتنامه ل اصدارینه تشریك ایدلمكده اکتفا اولنماسی بلکه قوه اجرائیه نك آز چوق اهمیتی حائز بالجله افعالنك تنظیمنه اشتراك ایتدیرلملیدر. بوصورتله فرانسز اداره سنده اکثریت اعتباریله کورلمه ین بروحدت وسعت نظر حصول بولاجنی محققدر. بو، عینی زمانده حقوقی اختلافلر طولایلمسیله شورای دولته وقوع بولان مراجعتلك مقدارینی تنزیل ایچون بلكده یكانه اینی تدیردر. یالکز بعض مسائلك قانونیتی جهتنك تدقیق خصوصنده کندیسنه برصلاحیت قضائیه ویریه بیلیر .

غیرقانونی افعال اداریه علیهنده وقوع بولان مراجعتلك حسن صورتله قبول ایدلمسی اینی برشی ایسه، غیرقانونی حالك ممکن اولدینی قدر نادر اولسنی تأمین ایتمك ده اینی

[۱] مبعوث وحالاً تمرکز قایینه سننده ناظر بولنان موسیو لوی مارهن بوملاحظه دن ملهم اولارق مجلس مبعوثانك ۲۳ کانون ثانی سنه ۱۹۲۰ تاریخی جلسه سننده بوکا دائر بر تکلیف قانونیده بولنش ایدی .

دکلیدر؟ ایسته شورای دولت بر هیئت مشاوره صفتیه اداره نك الك مهم افعال واجرا آتته
تشریک ایدلیدی تقدیرده بونیجه نك استحصالی تحت امکانه کیرر .

شورای دولتک . حکومتک بر مجلسی صفتیه اولجه حائز اولدینی وظائفک دخی
کندیسنه تکرار اعاده ایدلسی حائز اهمیتدر . فی الحقیقه بوصفت و حیثیتله و ۲۴ مایس
سنه ۱۸۷۲ تاریخی قانون موجبجه حکومت طرفندن رأساً تکلیف اولنان قانون پروژهلری
و پارلامنتونک تکلیف قانونیلری حقنده احوال مفتضیهده شورای دولتک رأی و مطالعهسی
آله بیلیر ایسهده تطبیقاده بو طرز استشاره نادراً وقوعه کلکده و شورای دولتک روحی
مثابه سنده اولسی لازم کلن نظامات دائره سی جانشز بر جسمه بکزه مکدهدر .

حالبوکه ، تاریخمیزک دیگر زمانلرنده کیفیت بویه اولما مشدر . انقلابک سکنجی سنه سی
و ۱۸۵۲ قانون اساسیلرینک مرعیتی زماننده — که او وقتده قانون تکلیف ایتمک حق
رئیس حکومته منحصر ایدی — قانون ، حقیقتده شورای دولتک اثری ایدی ، قانونی
ترتیب و تنظیم ایدن او ایدی . صکره قانون تکلیف ایتمک حقی هم رئیس حکومته همده
تشریعی مجلسه تودیع ایله ن ۱۸۴۸ قانون اساسیسی منحصرأ حکومت طرفندن یاپیلان
قانون تکلیفلرینه عائد خصوصانده یوقاریده کی سیستمه شبیه بر اصول وضع ایتمش ایدی .
هر نه حال ایسه بزده حالا مرعی اولان و برنجی ناپولیون زماننده پالمش اولان حقوق
مدنیه قانونلرینک اکثریسی سالف الذکر اصول وجهله تنظیم ایدلمشدر . بو قانونلرک
مدت دوامی اصول مذکور لهنه برر دلیدر . کرچه بو قانونلر زمان زمان و تطبیقاندن
متولد یکی ایجاباته و عاداتک تبدلاتنه کوره دوچار تعدیل اولمشدر . آنجق یکی یاپیلان
تعدیلاتله بونلرک ادخال ایدلیدی متن اصلی بیننده بر مقایسه یاپیلدینی زمان آره لرنده
جالب دقت بر تعارض موجود اولدینی کوریلور . هیئت مجموعه سی ، فرانسزه خاص اولان
وضوح ایله متمایز ، تام ویرینه مطابق بر فورمول داخلنده آهنگدار و متجانس بر منظره
عرض ایده جک یرده بریرینه غیر مرتبط قاریشقی و متناقض احکامدن مرکب شکلسز
بر هیئت حسنی ویرمکدهدر . خلاصه یکی یاپیلان قانونلرک نه درجه فنا بر صورتده تنظیم
ایدلکلری کیفیت بو کون اثبات ایدلمکه محتاج برشی دکلدیر .

زماغزده قانونلرک تفصل یاپیلدیغندن و بونلرک بعضیلرینک قانون مدنییه ادخال
نتایجندن بحث ایله ن مشهور مؤلفلردن بری [۱] شو وجهله ایراد کلام ایتمکدهدر :

[۱] هاری قاپیتان ، بارس فاکولته سی پروفسورلرندن — زماغزده قانونلر نصل یاپیلمقدهدر .

ره وو پولیتیکی و پارلامنتر مجموعه سنده ۱۹۱۷ .

بوکی قانونلر پارلامنتویه شرف و یرم جک ماهیتده دکلرلدر. بزم اسکی قانون مدنیز کی بر اثره درج وادخال ایدلرینه جدأ غیر لایقدرلر. بو قانونلر قانون مدنیزی بیجمسز برشکله سوقیورلر.

بدهیدرکه، قوانین مذکوره شورای دولت طرفندن تنظیم ایدلش اولسه لردی، بو آغیر نقصانلرده حصول بولمازدی. تنظیم قوانینده شورای دولتک مداخله سی مجبوری قیلندینی تقدیرده بزم کی برده موقراسیده آیریمجه قیمتی نتایج استحصال اولنور. فرانسه ده محاکم بعض مملکتلرده وخصوصیه هیئت متحده آمریقا ده اولدینی کی، قانونلره متفوق برحاکمیت و مرعیتی اولان قوانین سائره نک مناسی بولان قانون اساسی ایله موافقت جهتنی تدقیق ایتک صلاحیتی حائز دکلرلر. بوندقیق صلاحیتک بزده قبول ایدلمه مسندن طولایی پارلامنتو حاکم کل اولمقده و قانون ده، مسئولیتی داعی اولمقسزین غیر عادلانه وغاصبانه اولایلمکده در. تهذک لره مالی اولان شووضعیت، قوانینک تنظیمنده شورای دولتک مداخله سی مجبوری قیلنق صورتیه دوچار تعدیل اولاییلر. زیرا بو صورتده شورای دولت کرک قانون اساسی احکام و اشکالک کرکسه حقوق عامه بره نسبی اعتباریه بتون فرانسزلرک مشترک ماملکی اولان حقوق و حریت شخصیته نک تحت مرعیتده بولنسه خادم برنوع مراقبه وظیفه سی کورمش اولور.

اداری بر مجلس صفتیه شورای دولتک، قوه اجراییه نک افعال و اجرا آتیه اشتراک ایلمی بواقمالک قانونه موافقتی نقطه نظرندن نصل برتأمینات تشکیل ایلر ایه، حکومتک مجلسی صفتیه قوانینک تنظیمنده شورای دولتک وقوع بولاجق مداخله سی، بوقوانینک قانون اساسیه موافقتی نقطه مسندن اویله جه حائز امنیت اولاجقدر.

بویله جاذب ظواهر و محسنات عرض ایدن شو اصلاح و تعدیله قارشو نه کی اعتراضات موجود در؟ عجبا قوه اجراییه نک صلاحیتی تزید واونسبتده پارلامنتو اصول اداره سنک قوتی تنقیص ایدلش اولمازمی؟ بو اصول اداره مضاعف بر صورتده خللدار ایدلش اولمایه جقمی؟ اولاه، هروجهله سربستی حرکتی متضمن اولان مسئولیت وکلایی تحدید ایتک صورتیه؛ زیرا وکلانک بوسربستی حرکتی و بونکله برابر مسئولیتلری تحدید ایدلش اولاجقدر. نظار پولتیقه ساحه مسندن خارج واکا بیانچی بر هیئتک مجبوری مداخله سی مسئولیتلری خصوصنده بحق سیرانخاذا اتمیه جکلرمی؟ ثانیاً مداخله واقعیه ایله پارلامنتونک

امتیازات اساسیه سنه و هر ملت و کینک حائز اولدینی قانون تکلیف و تعدیل حقنه تجاوز ایدلش اولماز می ؟

فرانسه ده پارلامنتو اصول اداره سیله آرتق ایدلشدور . تأسسندن بری یاریم عصرلق برزمان کچدی و اکثریت دخی بواصول اداره نک اصل ومنبعی قرالیقی برماهیتمده اولدینی و جمهوریت سیستمنده اشکالی تبدیل و نورمال قوای متقابله سندن تجرد ایتمک صورتیله اجرای فعالیت ایده بیله جکفی فرق ایتمکسزین بواصول اداره یه مربوط بولنمقدوره . اداره مذکوریه حد اعتداله ارجاع ایدن بر واسطه نک و صرف ایدیلن مساعینک انتظامسزلفه ، شورشه منجر اولماسنی تأمین ایده جک اداره ایدیچی بر پره نسپک قبولی صورتیله بواصول اداره یه بر حیات عنصری ، بردائیت براتی و یرمک ممکندر . بوسیدن طولانی پارلامنتو اصول اداره سنک صمیمی مروجرلی بو واسطه و پره نسپک قبوله طرفدار اولملی درلر . برناظر ، کندی سیاسی مسئولیتدن تبری ایچون شورای دولتک رای استشاریسی پرده سی آرقه سنده کیزله نه بیلیرمی ؟ اولنک مجلسله تقدیم ایتدیکی قانون لایحه لرینک تنظیمی مساعیسی - که بومساعی حالاً نظارتک دائرلری و یا مأمور ایتدیکی قومیسونلر طرفندن ایفا ایدلمکده در - کندیسنی مسئولیتدن فورنارما مقده در . شورای دولتک رای و مطالعه سی آله جفی زمان ده اوپله اولاجقدر . شو فرقله که آله جق مطالعه واستشاره نک ماهیتی دها شایان وثوق واعتماد اولاجقدر . ذاتاً لایحه قانونیه نک شورای دولته تنظیمی انناسنده ناظرک مطالعاتی هر زمان درمیان حق و صلاحیتی اولاجفی شبهه سزدر . کذلک لایحه قانونیه نقاط نظریه توافق ایتدیکی تقدیرده نظاره اونی مجلسله و یرمه مک خصوصده کی سربستی حرکتنده کیمه برشی دیه مز . فقط لایحه قانونیه یی بنه دیکی تقدیرده ناظر ، اک بیوک حصه شرفی کندیسنه آیره جفی تخمین اولنه مازمی ؟ ایکی مجلسکده اعضاسندن هر برینک قانون وضع و تعدیلنه دائر تکلیف حقلرینه کلنجه ، بونک صورت استعمالنی تنظیم ایتک لازم کله جکدر . بوکون تعدیلات سوء استعمالی اصول تشریعی نک اک بیوک نقصاتی تشکیل ایتکده در . بدایه ایی ترتیب ایدلش بر قانون لایحه سی بلاخره اوغرا دینی تعدیلات متوالیه و متناقضه ایله غیرمتجانس و طائماز برحاله کیمکده در . قانون تکلیفلرینک و هر نوع تعدیلاتک شورای دولته تودیعنی مجبوری طومقی صورتیله در که بوتله برطرف ایدلکدن بشقه احکامک اساسنده و بونلرک صورت افاده سنده ادامه سی مطلوب آهک تأمین ایدلش اولاجقدر . بالطبع ایکی مجلسدن

هر بری علیهنده رأی ویرمکه لایحهیه قانون شکلی ویرمه مک خصوصنده کی سربستی
حققریده محفوظ اولاجقدر .

ذاتاً آئینسی توصیه ایستیکمز آدیم ایلک نظرده کورندیکی قدر بیوک دکلدر . حالا
مجلسلر بر قانون تعدیل واصلحی خصوصی اوکا متدائر پایلاجق بر نظامنامهیه براقفده
یعنی قانونک تطبیقه عائد قواعد واحکام ایچون شورای دولت طرفدن مذاکره ایدیلن
بر قرارنامهیه تعلیق ایلمکدهدر . پارلامنتونک اظهار ایستیکی بویه بر عجز اقرارندن ایسه
قانونک اساس پره نسبینی وبنابرین تماماً تنظیمی خصوصی شورای دولته تودیع ایلسه
کندیسسی ایچون ده عاقلانه بر حرکت اولماز می ؟

قانون یایمق واونلرک اجراسنه نظارت ایله مکلف ایکی قوتک صیتی مشارکی اولمق کی
فیضلی بر رولک شورای دولته اعاده ایدیه بیلمسی ایچون کندیسنک طبیعی وظائفندن
اولمایان ومحاکم عدلیه نیک صلاحیتدن اخراج ایدلسی لازم کلن و بو محاکمه اعاده سی نه اداره
نده افراد ایچون بر کونا محذور اولمایان قضائی ایشلردن قورتارلسی لابددر .
آنجق بونقطه نظره کوره ملاحظه ایدیه لرک اداری اختلافات محاکم عدلیه اعاده سنده
بر تهلکه ومحذور اولمادینی محققمیدر ؟

بر برینی متعاقباً کلن حکومتلر، عدلیه نیک قوه اجرائیه اوزرنده نفوذی اولسی کی
واهی بر قورقودن طولانی بو تعدیل واصلحه شتله مخالفت ایتشلردر . بو کونکی حاکم
اسکی پارلامنتو مشاورلری کی موقعلرینی بر عائله ماملکی دأرهمسی مثابه سنده طوتماقده
درلر . اسکی اداره نیک پارلامنتو آدملرینک آلایلی ومستهزی ذهنیتی چوقدن اولش و بر
دها دیرلک احتمالی قالمامشدر . سالف الذکر تدبیر اصلاحکارینک افراده محسنات تأمین
ایده جکی خصوصنده ده جدی بر صورتده اظهار ترددایدلمشدر . فی الحقیقه افرادک بوندن
نه غیب ایده جکی بیلملی که استفاده ایده جکی خصوصات ایله مقایسه ایدیه بیلسون .

حالبو که قضای اداری، تأسی تاریخی اولان سکرنجی سنه دن اعتباراً زمانمزه قدر
تعقیب ایستیکی سیر ، تحکمی وشبهلی ماهیتدن یواش یواش مجرد ایدرک مدافعه حقه
کیتدکجه حریتپروانه وبنابرین جاذب بر شکل ویرمک صورتده تجلی ایتمشدر . ولو که
افرادک حقوقی بهاسنه اولسون اداره نیک عدلیهیه قارشواستقلال تامنی تأمین ایچون احداث
ونتظیم ایدیلن قضای اداری، بو کون افراد لهنده وکیفی حرکاته قارشو کلن بر قوت

حالده عرض وجود ایتمکده در. اداره نامنه یاپیلان عقدلرک ابطالنه ویا بعضاًده بلاقصور۔ آنک سبیت ویردیکی ضررلرک بلغاً تضمیننه قرار ویرمک صورتیله قوه عامه نك غیر قانونی اجرا آتته قارشو افرادی حمایه ایتیموری؟ مأمورلر وحتی اونلرک جمعیتلری لهنده اوله رق حکومتک ویا پارلمنتونک التماس سوء استعمالاتی وکذا مرکزیت اصولنک مفرطانه اجرا آتندن ده فنا ودها تحمل فرسا اولان عدم مرکزیت اصولسزلقلارینی تحدید و تجزیه ایتمکه کندینی مقید بیلیموری؟ ونهایت خدمات عمومیه متعهدلری و امتیاز صاحب لری لهنده اوله رق، عقد استدلرکی مقاولات احکام وشرائطک جهت تطبیقه سنی حقانیته مستنداً تعدیل ایتمک صورتیله حقوقی پره نسبیلرک شدتی تخفیف ایتیمورلری؟

بو عرض ایدیلن محسناندن مرکب هیئت مجموعه ده برکولکه برقرالتی یوقیدر؟ بونی بزه آنجاق درین بر تدقیق و تتبع کوستره یلور. شورای دولتک قضائی ساحه سی کچی معظم بر اترك کرکی کچی تنقید و تقدیری ایچون بر قاچ صحیفه یازی کافی کلز. تنقید آنجاق اسباب وادله سنی سرد ایتمک صورتیله درکه قیمت احراز ایلر. بو ساحه لهنده درمیان اولنه حق مطالعات، اولدقجه آغیر برطاقم قیود احترازیه دن عاری دکله ده، بو حال مؤسسه نك بچره کلی جرائتته حرمتکار، اترك عمومی و حیابخش روجه تقدیر خوان اولقدن بزی منع ایتمه مکده در.

او حالده فصل اولیورده واصل اولدیغمز نقطه بزی نقطه حرکندن بو قدر اوزاق بولندیریور؟ مؤسسه نك بدایه آنخا ایتدیکی غایه معلوم ایکن بویله نهائی بر نتیجه یه فصل واصل اولمشدر؟ جوابی شودرکه شورای دولت، تاریخی انساننده دوچار اولدینی تقلبات مختلفه ده دائماً ک بیوک رئیس اوله رق - حتی حقوقی اختلافلر ده دخی - قالمش و فرانسز اداره سنی دست حاکمانه سیله محافظه ایلشدر. استداسندن بری «برنجی قونسولک سیاستنده بر شورای دولت تشکیلی تصویری وجود بولمش و بو دائره بر هیئت تشریعیه نك فقدانی حالده، ناظرلر وادارنک بالجمله شعباتی اوزرنده مشر بر مراقبه اجرا ایده بیله جک قدر قوتلی اولمی ایدی (۱). حقیقت حالده شورای دولت تاریخنک بعض صفحاتنده بو وظیفه یه تقابل ایده جک صورتده کافی تشکیلاتدن محروم قالمشدر. قرالیک تکرار اعاده سی زماننده بویله اولمش و مشروطی اصول اداره موجود اولدینی بودورده شورای دولت

[۱] لافزیه رک قضای اداری حفنده کی کتابندن: Traité de la Juridiction admi-

nistrative et de recours contentieux. 1887.

اعضای رنجی تعیین آیدن سنوی لیستی حاوی قرارنامهده بسیط بر سهو یا بقی صورتیله قرال سنه سابقهده اعضا اولان برنجی شورادن چیقاره بیلوردی. ایکنجی ایمراطورلق وخصوصیله بونک صوک ایکنجی قسمی زماننده درکه شورای دولت حقیقی رولنی آکلامش وافرادی شکیلتی رنجی و بر اساسه مستند اولوب اولمادق رنجی تدقیق ایتمک حکومتنک شرفی وکندیسننک منفعتی اقتضاسندن اولدیغنی تقدیر ایشدر. اوچنجی جمهوریتک شورای دولتی شرفهده دینیله بیلیر که بویوله ثباتکارانه یورومش وحتی یکرمنجی عصر دن بری ده ایلری یه کیدرک مؤسسه یی ده خوش ورنکیکن بر شکله افراغ ایشدر.

شورای دولت، داخلی تشکیلاتندن تولد آیدن صلاحیت آمرانه سنی استعمال ایدرکن، اداره یی بر اصول نحتنده مسئولیتدن تبری یه سعی ایده جک یرده بو صلاحیتنی بالعکس افرادک حقوقه تخصیص ایشدر. بوخیلی نتیجه لر هر هانکی عدلی بر محکمه جه استحصال اولنه ماز، زیرا اداره یه قارشو بیانجی اولان واولسی لازم کلن بویله بر محکمه نک اداره حقنده صلاحیت آمرانه سی اولاماز. بو صورتله اسکی قرالیتدن جیقیلقدن صکره انقلاب کیرک بدایتندن بری شدتله تظاهر آیدن حسک خلافتله اوله رق شیمیدی قوه عدلیه نک ممکن تجاوزلر دن آرتق قورقولما یور، بلکه کندی صلاحیت مخصوصه سنی تجاوز ایتمک خصوصنده کی فضله تقدیرنک قورقوسی موجوددر. هر حالده اداره نک سینه سندن چیقان واداره یه آمر اولابیلن بر هیئتک یا په ییله جکی کبی محاکمک حرکت ایده بیلرسی امکانی یوقدر. ایشته بو حس احترازیده قسماً بر حقیقت موجوددر. و بوده کوستر که شورای دولتک اصلاحی متضمن هر هانکی بر تصورده بو دائره ایچون در پیش ایده یله جک بر حصه قضایه وارددر.

اداره جه پایلان اجرا آتک قانونیتنی مراقبه وظیفه سی ایشته بو جله دندر. محاکمه ایتمک، اداره ایتمک دیمک اولدیغنی حقیقی بوراده تماماً وارددر. تجاوز صلاحیتدن طولانی وقوع بولان مراجعت ماهیتی اعتباریله حسبی بر مراجعتدر. علی العاده بر منفعتک خللدار اولسندن تولد ایده بیلیر. قانونسزلنی تحری ایده بیلیمک ایچون شورای دولت اوفعلی اجرا ایده نی تحریک آیدن عواملی آراشدیرمغه قدر کیدر. او فعل و معامله نک ابطاله قرار ویرلدیکی کبی بوندن تحصیل آیدن نتایج، بر محکمه قرارنده اولدیغنی وجهله پالکز طرفینه دکل بلکه بر آمرک قراری کبی عمومه سرایت ایتمش اولور. صلاحیتک

تجاوزندن طولای و وقوع بولان مراجعت، افعال اداره نك قانونیت نقطه سندن مراقبه نك اجراسی ماهیتسده اولوب بوده مملكتك ای بر اداره یه مالك اولسنی تأمین ایچوند ر . بونده اقامه اولنان بر دعواده اولدیغی کبی بر فردك شخصی منفعتی تطمین ایدیلورسه بو، فضله اوله رق حاصل اولان بر نتیجه در . بویه بر مراقبه ایسه فعال اداره نك اجراآت و معاملاتنی اوزرنده علنی بر مداخله نی استلزام ایلر . بنابرین آنجق اداره یه مربوط بر هیئتدر که بو خصوصده قرار اعطاسنه صلاحیتدار اولایلیر . فقط اداره نی علاقهدار ایدیه یلن و بر حقل اخلاقی کبی حقوقی بر اختلاف اساسنه مستند و بناءً علیه عدلی بر طریقه مقتضی منازع فیه مسائل سائر حقه حقه حال و وضعیت اوتنه کنه شییه دکلد ر .

بو اختلافلر هم محاکم عدلیه جه همده قوه اداره جه محاکمه ایدیله مزلمی ؟ حقوق عمومیه نك کوستردیکی صورت حاللر ، قضای ادارینك باشند باشه ایجاد ایتدیکی صورت حاللردن اکثریتله ده ا مرجع دکلیدر ؟ بویه اولماسه و اداره ایله عقد اولنان مقاولات مناسبیله و یا بمقاولات خارچنده ادعا اولنان تضمینات اختلافلرنده خدمات عمومیه نك جریانی روزمره سی ایچون احکام مخصوصه لازم اولدیغنی فرض ایتسه نك دخی قواعد مذکورہ شخصی و حادثه وی اولقدن ایسه بر قانون و یا نظامنامه یه مستند عمومی و مشترک ماهیتده اولسی ده ا ای دکلیدر ؟ بویه بر قانون و یا نظامنامه احکامی صریح و قطعی اولدجه قوه عدلیه نك ده بونلری تطبیق ایتمه مسنده هیچ بر مانع متصور دکلد ر . شورای دولت بر محکمه صفتیله دکل بر هیئت مشاوره صفتیله بو احکامی وضع و تنظیمه مأمور ایدلسه بونلرک صریح و قطعی اولاجنی شبهه سزدر .

قوه عامه جه ایفا اولنان معاملاتك قانونی اولوب اولمادیغنی خصوصسده حائز اولدیغنی و صلاحیتك تجاوزی احوالی ایچون پك کنیش اوله رق آجیلان طریق مراجعت سایه سنده استعمال ایتدیکی حق مراقبه نی شورای دولت محافظه ایلیدر . آنجاق یاپیله جق قوانین و نظامات اوزرنده احتیاطی نوعدن اولان حق مراقبه سی استعمال ایتدیکی تقدیرده برنجیسنی ده ا نادر احوالده استعمال ایده جکی محققدر . بر ملت ایچون اك بیوك غایه مراجعت طریقلرینك الی نهایه تکثیرنده دکل ، بو مراجعاتی تولید ایدن احوال و حادثاتك ندرت کسب ایتمسده در .

پارس حقوق فاکولته سی حقوق اداره مدرسی

ر. زاکلده